

Rí con Éireann Ábhartach

[Mac Cionnaith, L. *Diogluim Dána*, Dublin, 1938, poem 112]

Brian Ó Corcráin .cct.

1 Rí con Éireann Ábhartach
coiléan ciuin cruadhbhánaltach;
is tuar clú a hairbhearta áigh
cú bhus oirrdearca n-ionráidh.

2 Iomdha cáil inar chóir geall
don cheannphurt-sain con n-Éireann;
barr clú ní diommoltair dhi
an cú im fhionnochtaibh Éirne.

3 Mac loldathaigh na n-arm nocth,
fuair do chú-sa, a Chú Chonnacht,
ainm agus a clú re a cois,
an cú gidh aim i n-uarais.

4 Uasal an treabh dá dtá sin;
is mac Ábhartach d'Fhinngil;
fuair a sbairn caithréim don choin
Caithréim do b'ainm dá hathair.

5 Bíoth nach béaradh buadh ndealbha
an cú cumtha croibhfheardha
dul rompa ní clú don choin
cú as corcra crú i gconaibh.

6 Ní cú más fhíor a heachtra
achd duine i ndeilbh draoidheachta
- is tearc lá nach dearbhthar dhuibh -
a-tá mar fhearchoin agaibh.

7 Cú le mórtar gach meadhair,
cú as ghrádhmar le Gaoidhealaibh,
cú as toileamhla fa dtád Goill
an tsoidhealbhdha ág álúinn.

8 Is d'iarrsma na gcon gcalma
an cú céillidh cathardha
ag Fionn reachtmhar rí na n-óg
do bhí neartmhar a-nall-ód.

9 NÓ is í cú mheic Morna mhir
dar bh'ainm lorghal an uair-sin
ba caithleomhan re cneas Goill

bheas do haithbheodhadh eadroinn.

10 NÓ is í Foirneart cruaidh calma
an cú ceannard cathardha,
cú Osgair na gcuach gcam
ba luath gcosgair i gcomhlann.

11 NÓ cú mheic Lughach na learg
dar bh'ainm chubhaidh an Ceinndearg,
an cú glan seamfhaobhrach seang
ór ghearrshaoghlach damh díleann.

12 GÁ dtám, do choimmeas na gcon
do bhádar ag airdrígh Alman,
Bran féin as daghshamhail di;
baramhail as léir linne.

13 An Bran oirrdheirc-sin Finn féin
d'Ábhartach ní thuill toibhéim
tarraidh clú dá cosgar soin
cú mar Osgar i n-iorghoil.

14 NÍ fhuil fa néallaibh a-nocht
ag do choin-se, a Chú Chonnacht,
gníomh doidhéanta re damh ndonn,
roiréalta do char comhlann.

15 A bhuil ó Dheirg go Drobhaois
dá n-iarrtar gach aonfhoraois
más fíor is folamh 'n-a gar,
's ní foghar míol 'n-a mothar.

16 Ó bhéal Allta go hlasgaigh
tearc ann do na hilphiastaibh,
nó im bhruach roigheal líonmhar Luirg
nó im oirear míonghlan Miodhbhuilg.

17 Seachnón Bréifne an bhruaich sgathaigh
cuairt Ábhartaigh ioldathaigh
- budh cuimhneach thiar agus thoir -
gidh fiadh d'fhuighleach níor fhágaibh.

18 Im nónaidh noctaidh a fearg
ag Sligeach, ag Sliabh gheildearg;
fa díoghlaich an deinmne soin
ag síodhLoch Meilghe ar madain.

19 I nGleann Ghaibhle druim ar druim
tug so is ag Sliabh an larainn

fros mílealbha muin ar muin
is prímhealmha os n-allaidh.

20 Ó tháinig i n-iath Ultach
ní hannamh ar Ábhartach
- ní fhuighinn a ríomh go réidh -
gníomh nach curim 'n-a caithréim.

21 Ón mbuime do oil i-se
ní hiongnadh ádhuirrei-se
ler sighneadh coiléan d'Ú Chuinn
ar n-Oiléan inghean Éamoinn.

22 Do Bhran is oidhir i-se;
d'Fhionn an cú óg eilei-se;
a Dhé, caomhain clú na gcon
ar bhrú baoghail gan bhearnadh.

23 D'iarsma na féinneise Finn
cáraid na gcéimeann bhfoirtill;
deacair righe rú fa rath;
mo chride an cú is a codhnach.

24 Coin Éireann ó thuinn go tuinn
is coin codhnaigh crú Ríoghdhuinn
ramharcach Tolcha Dá Thí
Abhartach ortha is airdrí. Rí.